



Publicaziuns officialas dils 02-02-2018

Alarm d'emprova dallas sirenas

Mesjamna, **ils 7 da fevrer 2018** han ils alarms d'emprova liug. Igl alarm general vegn fatgs allas 13.30 ed allas 13.45 uras ed igl alarm d'aua allas 14.15 ed allas 14.50 uras. Nus supplichein Vus da prender enconuschientscha da quella informaziun.

Sumvitg, 02-02-2018

Suprastonza communal

Inoltraziun declaronza da taglia 2017

Tuttas personas naturalas cun dimora fiscala en vischnaunca ni schischom ein obligadas d'inoltrar ina declaronza da taglia.

Termins per inoltrar la declaronza da taglia

Ils suandonts termins ein da risguardar per inoltrar la declaronza da taglia:

- **31 da mars 2018** per personas cun activitad da gudogn dependenta, scolars, students, pensiunai, disoccupai.
- **30 da settember 2018** per personas cun activitad da gudogn independent, societads semplas e personas domiciladas ordeifer il cantun cun interpresas el Grischun.
- **30 da settember 2018** per personas domiciladas ordeifer il cantun cun immobilias en vischnaunca (obligaziun limitada da pagar taglia).

Midadas impurtontas

Muort modificaziun sin ina taxaziun senza pupi sedattan naven dalla perioda da taglia 2016 las suanontas midadas per tut ils pagataglia.

Las declaraziuns da taglia 2016 ein niev d'inoltrar sco suonda:

Administraziun da taglia dil cantun Grischun
Verarbeitungszentrum 1/KO
Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar naven dalla perioda da taglia 2016 sco suonda:

- online: www.stv.gr.ch
- per e-mail: fristgesuche@stv.gr.ch
- en scret: Administraziun da taglia dil cantun Grischun
Fristgesuche/KO
Steinbruchstrasse 18, 7001 Cuera
Telefon 081 257 34 93

- Las damondas da prolungaziun ein d'inoltrar cun las suandontas indicaziuns: numera da register cumpletta (inclus numera da vischnaunca 673-), num, prenum e vischnaunca da domicil.

- Ils termins concedi vegnan buca confirmai ed ein en general buca prolungabels. En cass singuls e motivai sa in ulterior termin excepziunalmein vegnir dumandaus.

Igl uffeci da taglia communal Sumvitg supplichescha da prender enconuschientscha da quellas midadas.

Ulteriuras informaziuns

Persunas che han buca retschert la declaronza da taglia ston tuttina ademplir lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier igl uffeci da taglia communal.

Ils conjugals suttascrivan comunablamein la declaronza da taglia. Conjugals che vivan giuridicamein ed efectivamein en ina lètg nunseparada ein suttamess comunablamein alla taglia. Las entradas e la facultad vegnan summadas senza risguardar il stadi dils beins. Omisdus conjugals ein ella medema posiziun ella procedura e suttascrivan ensemen la declaronza da taglia. Sche la declaronza da taglia ei vegnida suttascretta sulettamein d'in conjugal, vegn la suttascripziun che manca aunc pretendida.

Davart ulteriuras damondas stat igl uffeci da taglia communal a disposiziun.

Sumvitg, 02-02-2018

Uffeci da taglia Sumvitg

Evaluaziun da structuradas agricolas 2018

Era uonn succeda la dumbraziun da tiers e la recepziun dallas surfatschas all'entschatta digl onn. Per la dumbraziun dils tiers valan il datum dils 1 schaner 2018 ed il diember intermediar digl onn 2017.

Las surfatschas san vegnir registradas sur il sistem agri-Gis. Tut ils purs tschentan ora lur documents sur igl internet. La finiastra ei aviarta entochen ils 15 da fevrer 2018.

Cura che las datas ein activadas ston ils formulars (fegl da menaschi e mutaziuns dallas surfatschas) vegnir suttascrets e dai giu all'administraziun communal ni sil pli tard purtai sperasvi ils **14 da fevrer 2018 denter las 13.00 e las 16.00 uras** en stanza da seduta sper canzlia communal.

Per damondas concernent il sistem d'agri-Gis stattan a disposiziun:

- genau Marcus Duff, 079 351 20 96,
- genau Robert Candinas, 079 438 32 00,
- ed il selvicultur Flurin Cathomas, 079 681 19 67.

Nus supplichein Vus da risguardar las directivas ed ils termins fixai.

Sumvitg, 02-02-2018

Departament d'agricultura

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 02-02-2018

Departament stradal

Program da pumpiers 2018 corp Sumvitg-Trun

Cader

Datum	Liug	Uras
15-02-2018	Igniu	19.30
18-04-2018	WBA officiersTrun	19.30
09-08-2018	Trun	19.30
01-10-2018	Trun	19.30
11-12-2018	Igniu	19.30

Entir corp (Cader, S1, S2, N1)

Datum	Liug	Uras
21-02-2018	Igniu	19.30
07-05-2018	Trun	19.30
16-11-2018	Igniu	19.30

Alarm d'emprova el decuors digl onn

Secziun 1 (S1)

Datum	Liug	Uras
03-04-2018	Trun	19.30
05-06-2018	Trun	19.30
23-08-2018	Igniu	19.30
02-10-2018	Trun	19.30

Secziun 2 (S2)

Datum	Liug	Uras
11-04-2018	Trun	19.30
13-06-2018	Trun	19.30
23-08-2018	Igniu	19.30
10-10-2018	Trun	19.30

Novizs(N1)

Datum	Liug	Uras
26-04-2018	Trun	19.30
21-06-2018	Trun	19.30
28-08-2018	Igniu	19.30
10-10-2018	Trun	19.30

Uniun samaritana Sumvitg-Trun

Nus selegrein d'annunziar nies empres exercenzi da quest onn. El ha liug **gliendisdis, ils 5 da fevrer 2018 allas 20.00** a Cumpadials. Tema digl exercenzi: accidents sil plaz da lavur. Las commembras da Trun serimnan allas 19.30 avon la casa communal per coordinar il viadi, ils auters fan quei individualmein. Bugen beneventein nus era ulteriurs/-as interessents/-as a nies exercenzi. Nus selegrein da puspei entscheiver cun nossa lavur e schein a bien seveser gliendisdis. *La suprastonza*

Tscheiver 2018

Preziadas vischinas, prezias vischins

Las Zoclas Sumvitg fan era uonn lur tura da concert atras la vischnaunca. Ei fagess grond plascher da delectar Vus ils 9 da fevrer en ils suandonts loghens:

- 14.45 sin plaz scola a Sumvitg
- 16.00 avon la casa S. Giusep a Cumpadials
- 18.00 avon baselgia a Surrein
- 19.00 sin plaz Cadruvi a Rabius
- 21.00 sin plaz Cadruvi a Sumvitg

Zoclinas e Zoclins giavischan a vus tuts ina biala sesiun da tscheiver e selegran da seveser ad in'occurrentza ni l'autra. *Las Zoclas Sumvitg*

Meisa da miezdi (gentar communabel) dalla Pro Senectute a Cumpadials

La Pro Senectute Surselva organisescha ensemen cun Nadja Scolieri ell'«Ustria dalla staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las persunas ella vegliadetgna dalla pensiun. Plinavon dat ei la pusseivladad d'embellir quella occasiun cun star suentermiezdi da cumpignia e dar in scart troccas ni auters giugs.

Liug: «Ustria dalla staziun», 7176 Cumpadials

Datum: **venderdis, ils 9 da fevrer 2018 allas 12.00**

Annunzias: Ein da far entochen mesjamna sera tier «Ustria dalla staziun», Cumpadials
tel. 081 943 19 22

Engraziel fetg e cordials salids *Pro Senectute Grischun*